

სს „სამედიცინო კორპორაცია ევექსი“

ტენდერი: სახანძრო სიგნალიზაციის სისტემის მოწყობა

### სარჩევი

1. ტენდერის მიზანი
2. შერჩევის პროცესის მიმდინარეობა
3. ტენდერით შესასყიდი საქონელის/მომსახურების სპეციფიკაციები
4. შერჩევის კრიტერიუმები და მოთხოვნები პრეტენდენტის მიმართ
5. სატენდერო წინადადება
6. პრეტენდენტის დისკვალიფიკაცია
7. კონფიდენციალურობა
8. სატენდერო წინადადების წარდგენა

## 1. ტენდერის მიზანი

სს „სამედიცინო კორპორაცია ევექსი“ („შემსყიდველი“) პრეტენდენტებს სთავაზობს გამოცხადებულ ტენდერში: „სახანძრო სიგნალიზაციის სისტემის მოწყობა“ - მონაწილეობასა და წინადადების წარმოდგენას.

წინამდებარე დოკუმენტის მიზანია, პრეტენდენტს განემარტოს შემსყიდველის მოთხოვნები და პირობები სრულყოფილი სატენდერო წინადადების წარსადგენად.

ტენდერში გამარჯვებულ პირთან ხელშეკრულებას გააფორმებს სს სამედიცინო კორპორაცია ევექსის შვილობილი კომპანია შპს "მ. იაშვილის სახელობის ბავშვთა ცენტრალური საავადმყოფო"

## 2. შერჩევის პროცესის მიმდინარეობა

შერჩევა ჩატარდება შემდეგი განრიგით:

- პრეტენდენტმა სატენდერო წინადადება უნდა წარმოადგინოს არაუგვიანეს 2018 წლის 7 სექტემბერი 18:00 საათისა.
- შემსყიდველი განიხილავს შემოსულ სატენდერო წინადადებებს და მოახდენს პრეტენდენტ/ებ/ის, წარმოდგენილი წინადადებების შეფასებასა და გამარჯვებული კომპანიის გამოვლენას, წინასწარ განსაზღვრული შერჩევის კრიტერიუმების მიხედვით.
- საჭიროების შემთხვევაში, შერჩეულ პრეტენდენტ/ებ/თან ჩატარდება დამატებითი მოლაპარაკებები.
- საბოლოო ეტაპზე გამარჯვებულ პირთან გაფორმდება ხელშეკრულება..
- ტენდერი განხორციელდება შემდეგ ვადებში:

ტენდერის გამოცხადება ..... 30 აგვისტო 2018

სატენდერო წინადადებების მიღება ..... 7 სექტემბერი 2018

გამარჯვებული პრეტენდენტ/ებ/ის გამოვლენა და შეტყობინების გაგზავნა. ... 14 სექტემბერი 2018

ხელშეკრულების გაფორმება ..... 25 სექტემბერი 2018

შემსყიდველი იტოვებს უფლებას, ტენდერის მიმდინარეობის ნებისმიერ ეტაპზე შეაჩეროს, შეწყვიტოს ან/და გამოაცხადოს ახალი ტენდერი პრეტენდენტ/ებ/თან წინასწარი შეთანხმების გარეშე, საკუთარი შეხედულებისამებრ.

ტენდერის შეჩერების / შეწყვეტის შესახებ ინფორმაციის მიღება პრეტენდენტ/ებ/ს შეეძლება სატენდერო განცხადების პორტალზე.

შემსყიდველი იტოვებს უფლებას, გამარჯვებულთან ხელშეკრულების გაფორმებამდე გააფართოვოს ან შეცვალოს მოთხოვნები გასაწევ მომსახურებასთან/შემსყიდვასთან დაკავშირებით, რის შესახებაც ინფორმაცია განთავსდება სატენდერო განცხადებების პორტალზე.

## 3. ტენდერით შესასყიდი მომსახურების / საქონლის აღწერილობა / სპეციფიკაციები

გასაწევი მომსახურების და ინვენტარის დეტალური აღწერილობა მოცემულია დანართ #1-ში.

პრეტენდენტის შეთავაზება უნდა იყოს უფლებრივად და ნივთობრივად უნაკლო.

## სს „სამედიცინო კორპორაცია ევექსი“

ტენდერი: სახანძრო სიგნალიზაციის სისტემის მოწყობა

### 4. შერჩევის კრიტერიუმები და მოთხოვნები მომწოდებლის მიმართ

ტენდერში გამარჯვებული მომწოდებლის შერჩევა მოხდება შემსყიდველის მოთხოვნებთან შესაბამისობისა და წარმოდგენილი სატენდერო დოკუმენტაციის გათვალისწინებით.

სატენდერო წინადადების განხილვა მოხდება მხოლოდ სრულყოფილად წარმოდგენილი დოკუმენტაციის შემთხვევაში

სატენდერო წინადადებები შეფასდება შემდეგი კრიტერიუმების მიხედვით:

- შესასყიდი საქონლის/მომსახურების ფასი
- კომპანიის გამოცდილება / სანდოობა
- საკვალიფიკაციო დოკუმენტების სრულყოფილად წარმოდგენა;
- შესრულების ვადები

### 5. სატენდერო წინადადება

(ა) სატენდერო წინადადებას თან უნდა ერთვოდეს შემდეგი დოკუმენტაცია/ინფორმაცია:

1. პრეტენდენტი იურიდიული პირის ამონაწერი საჯარო რეესტრის სამეწარმეო რეესტრიდან;
2. ცნობა იმის შესახებ, რომ პრეტენდენტის საკუთრებაში/მფლობელობაში არსებულ იმ უძრავ ქონებაზე, რომელიც გამოყენებულ იქნება მომსახურების გაწევისათვის, არ არის რეგისტრირებული რაიმე სახის შეზღუდვა/აკრძალვა/ყადაღა;
3. ცნობა შემოსავლების სამსახურიდან ბიუჯეტის წინაშე დავალიანების არარსებობის შესახებ;
4. ცნობა, რომ არ მიმდინარეობს პრეტენდენტის მიმართ რეორგანიზაცია-ლიკვიდაცია და/ან გადახდისუნარიობის საქმის წარმოება;
5. ბოლო 1 (ერთი) დასრულებული ფინანსური წლის დადასტურებული ბრუნვა;
6. კომპანიის კორპორატიული კლიენტების ჩამონათვალი;
7. მინიმუმ ორი სარეკომენდაციო წერილი;
8. „ინფორმაცია პრეტენდენტის შესახებ“, შევსებული დანართი #2-ში მითითებული სახით;
9. კონფიდენციალურობაზე შეთანხმების პრეტენდენტის მხრიდან ხელმოწერილი ვერსია (შეთანხმება თან ერთვის დანართი #3-ის სახით);
10. პრეტენდენტის მიერ ხელმოწერილი აფიდავიტი - აფიდავიტი მოცემულია დანართი დანართი #4-ს სახით;
11. შევსებული და ხელმოწერილი კომერციული შეთავაზება (ლარში, დღგ-ს ჩათვლით);
12. ინფორმაცია ტენდერით გათვალისწინებული მომსახურების/შესყიდვის აღსრულებაზე (დეტალები, აღწერილობა, გამოცდილება, ფოტომასალა და სხვა არსებითი გარემოებები/პირობები).

პრეტენდენტის მიერ მომზადებული ყველა დოკუმენტი უნდა იყოს ხელმოწერილი პრეტენდენტის უფლებამოსილი პირის მიერ და დამოწმებული ბეჭდით (ასეთის არსებობის შემთხვევაში). ხარჯთაღრიცხვა და დასრულებული ფინანსური წლის დადასტურებული ბრუნვა იყოს წარმოდგენილი როგორც ხელმოწერილის და დამოწმებული ასევე ექსელის ფორმატში,

დოკუმენტაციის მომზადების თარიღი წინ არ უნდა უსწრებდეს სატენდერო დოკუმენტების წარდგენის თარიღს 5 კალენდარულ დღეზე მეტი ვადით.

## სს „სამედიცინო კორპორაცია ევექსი“

**ტენდერი:** სახანძრო სიგნალიზაციის სისტემის მოწყობა

პრეტენდენტი სატენდერო წინადადების წარმოდგენით ადასტურებს, რომ (ა) იგი გაეცნო დანართი #5-ის სახით წარმოდგენილ შესყიდვის ხელშეკრულების ნიმუშს, რომლის გაფორმებაც მოხდება გამარჯვებულ პრეტენდენტთან და თანახმაა აღნიშნული რედაქციის გაფორმებაზე და (ბ) მისთვის ცნობილია, რომ ხელშეკრულების მოქმედების პერიოდში არ აქვს უფლება, გაზარდოს სახელშეკრულებო ფას/ებ/ი ან სხვაგვარად გააუარესოს შემსყიდველის მდგომარეობა.

შემსყიდველი უფლებამოსილია ხელშეკრულებაში განახორციელოს გარკვეული პირობების დაზუსტება/შეცვლა/დამატება:

### (ბ) დამატებითი მოთხოვნები (ასეთის არსებობისას):

იმ შემთხვევაში, თუ შესყიდვის პროცესში ადგილი ექნება საავანსო გადახდის მოთხოვნას, გამარჯვებულ პრეტენდენტთან ხელშეკრულების გაფორმებისათვის სავალდებულო პირობაა, ავანსის უზრუნველსაყოფი საბანკო გარანტიის წარმოდგენა შემსყიდველისათვის, გაცემული ამ უკანასკნელისათვის მისაღები ფინანსური ინსტიტუტის მიერ.

## 6. პრეტენდენტის დისკვალიფიკაცია

შემსყიდველი უფლებამოსილია მოახდინოს პრეტენდენტის დისკვალიფიკაცია თუ:

1. პრეტენდენტი ირიცხება მოვალეთა რეესტრში;
2. პრეტენდენტის იმ უძრავ ქონებაზე, რომელიც გამოყენებული უნდა იყოს მომსახურების გასაწევად, რეგისტრირებული იქნება რაიმე სახის შეზღუდვა/აკრძალვა/ყადაღა;
3. მიმდინარეობს პრეტენდენტის რეორგანიზაცია, ლიკვიდაცია ან გადახდისუუნარობის საქმის წარმოება;
4. სატენდერო განაცხადით მოთხოვნილი დოკუმენტაცია/ინფორმაცია:
  - სრულად არ იქნება წარმოდგენილი;
  - არ შეესაბამება დადგენილ მოთხოვნებს;
  - არ შეესაბამება სინამდვილეს;
  - ყალბია.
5. არსებობს სხვა ობიექტური გარემოება, რომელიც შეუძლებელს ხდის პრეტენდენტის შემდგომ მონაწილეობას ტენდერში.

## 7. კონფიდენციალურობა

პრეტენდენტი პასუხისმგებელია შემსყიდველის მიერ მიწოდებული ინფორმაციის კონფიდენციალურობაზე, როგორც შერჩევის პროცესის მსვლელობის, ასევე, მისი დასრულების შემდეგაც, მიუხედავად ტენდერის შედეგებისა.

## 8. სატენდერო წინადადების წარდგენა

სატენდერო წინადადებების წარდგენა უნდა მოხდეს ელექტრონულად, [www.tenders.ge](http://www.tenders.ge)-ზე, დახურული კონვერტის პრინციპით.

პრეტენდენტებმა სატენდერო წინადადებები უნდა წარმოადგინონ არაუგვიანეს 2018 წლის 7 სექტემბერი 18:00 საათისა.

შერჩევის პროცესის მსვლელობისას პრეტენდენტებს უფლება აქვთ მოითხოვონ მათთვის საჭირო ინფორმაცია. დამატებითი ინფორმაციის მოთხოვნის ან კითხვების არსებობის შემთხვევაში, გთხოვთ, მოგვწეროთ ელექტრონული ფოსტის მისამართზე: [Evex\\_Purchasing@evex.ge](mailto:Evex_Purchasing@evex.ge).